

Den Ambiente



"SACA E BOEM" A SER BAUTIZA DEN ISLA DI ORO..



** Diasabra ultimo Claudius y su grupo O.R.E.O. a bautiza nan recien produccion "Saca E Boem", durante un conferencia di prensa cual a tuma lugar den Isla di Oro.

Durante e bautismo aki a fungi como M.C. e simpatica locutor Nilka Franka di Radio Galactica F.M. Despues cu

Nilka a introduci Claudius Philips, Claudius den un forma emocionante pero satisfecho a hiba su discurso gradiciendo tur esnan cu haci posibel pa e produccion aki por ta riba mercado.

Foto ta ilustra e momento cu e C.D. "Saca E Boem" ta ser bautiza den un forma unico cu

un kanica di awa pa Mama di Claudius, sra. Susanne Philips kende a fungi como Madrina, y como padrino por aprecia Glenn & Hans di Zzapp Music.

DEN AMBIENTE ta felicita Claudius y su grupo O.R.E.O. pa e tremendisimo C.D. aki, cual ya caba ta un exito rotundo !..

FANTASTICO PRESENTACION DI LONG ROY DEN BINGO AMBIENTE



** Tremendo mes tabata e presentacion di nos gran artista Long Roy, durante e Super Bingo Ambitoso den Tropicana showroom. E amantenan di bingo a disfruta inmensamente di e fabuloso show di Long Roy, kende a deleita e multitud cu su recien hitnan riba su exitoso C.D.

"LONGER THAN EVER" manera e.o. "Mueve los pies", Muje Muje" y na final E la pone tur hende den un ambiente formal cu su super hit "HISA MAN". Porcierto cu e tremendo C.D. aki cual tambe ta destina pa e mercado internacional, su segundo lote a caba di yega Aruba y ta ob-

tenibel na tur nos disco barnan. Pa diasabra proximo DEN AMBIENTE lo tin un entrevista cu Long Roy kende lo no participa den e Calypso y Roadmarch contest, pa motibo cu actualmente e ta studiando pa un examen sumamente importante pa loke ta trata su futuro..

E SEGUNDO LOTE "SACA E BOEM" A YEGA ARUBA!..



** Ayera atardi a yega Aruba e segundo lote di e C.D. "SACA E BOEM", cual ya caba ta obtenibel na Zzapp Music y na e demas disco barnan.

Pa awe DEN AMBIENTE lo sali pa hermana isla Corsow,

pa asina distri bui e lote y tambe facilita e radio-emisoranan. Porcierto na Corsow e "Saca E Boem" ta hopi solicitada y tin un demanda masha grandi mes, mientras cu aki na Aruba no ta cos di papia mes !.

PORFIN E C.D. "NOS A BIN PA KEDA" DI ORIGINAL BAND A YEGA ARUBA!..



** Ayera atardi porfin e tan spera produccion di The Original Band titula "Nos a bin pa keda". DEN AMBIENTE por a compronde cu ya e C.D. aki ta obtenibel na tur nos disco barnan. Manera DEN AMBIENTE a publica

den su edicion di siman pasa tocante e C.D. aki cual ta contene 12 temanan varia. Pa diasabra proximo DEN AMBIENTE lo tin mas comentario di e tremendo produccion aki. Keda pendiente !.